

## Bajuorėška laimė

Kėlėma eso bajuorėška luoma.  
Prasčiuoku nemīlio, taisaus tik pri puonu.  
Ni mona buoėielis jau vuožiū neganė,  
Gīvenėma muokslus poikiausė išmanė.

Ėr aš jau ipratės iš aukšta veizietė,  
Kuo kėts da netor – tou nuorio torietė.  
Garažūs īr mašinas ketorės naujės,  
Ė tēp nesospiejo – tuoks platos pasaulis.

Kāp Puondėiva mīlio, teisībė sakau:  
Nu rūdiu ė dolkiu kas rīta valau.  
Toriejau ė šoni aš veislies bulduogu,  
Nelaisvie belaikont – ons vakar nuspruoga.

Važiousio i Aprika tigra veizietė:  
Kuo kėts da netor – tou mon rėk torietė.  
Nuors mona buoėielis, kāp aš negīvena,  
Bet anuo idiejės vēstėik nepasena:  
Jau kelės pėlaitės kāp grība išdīga,  
Kas ims idomautėis – paruođisio špīga.

Gīvenėma mona kas da neišmana,  
Vuožiū būrieli možėkams lai gana.  
Nedouk jau, Dėivali, je možėks išmuoktom:  
Bajuorėška laimė kāp borbols sospruogtom...